

PRÆSIDE DIVINO NUMINE!
MEDICINAM
IN ALIMENTIS
OPTIMAM,
DISSERTATIONE INAUGURALI
expositam,

Autoritate atq^{ue} indultu

Amplissimæ Facultatis Medicæ in perantiqua
Electoralis Erfurtenſi Academia,

Pro

LICENTIA,

Summos in arte Medica Honores atq^{ue} Privilegia
Doctoralia ritè capeſſendi,
publicæ diſquiſitioni
exponet

SAMUEL TEUCHER,

Harttenſteinio-Miſnenſis,

Die 12. Julii ſtyl. vet. Anno 1698.

In Acroaterio Majori

Horis conſvetis.



ERFURTI,
Charactere Kindelbiano.

BY THE DIVINE NOMINEE

MEDICINAM

IN ALIMENTIS

OPTIMAM

CONSTITUTIONE TRAHIT

ET

IN ALIMENTIS

CONSTITUTIONE TRAHIT

ET

ET

LICET

CONSTITUTIONE TRAHIT

ET

ET

CONSTITUTIONE TRAHIT

ET

ET

ET

ET

CONSTITUTIONE TRAHIT

ET

ET





J. D!

PRÆFATIO.

Medicinam in Alimentis optimam non male pronuntiavit Hippocrates Lib. de Alim. Sect. IV. 16. optimam, ut ego arbitror, nauseatoribus, qui reliqua pharmaca, si fortè officinam sapiant aut redoleant, prorsus detestantur & abominantur; optimam pauperibus vel etiam avaris, qui sumtus qualescunque fuerint, sustinere vel nequeunt, vel nolunt ad minimum: Optimam infirmis atq; debilioribus & à natura & à morbo, quoniam stomachus corpusque reliquum alteratur magis ab insuetis, cum, quæ usitata sunt, blandius ac penè insensibiliter operantur. Quid mista? optimam in genere cunctis, & sanis & aegrotantibus, vel ideo crediderim, quod, salubrium & insalubrium discrimine rite observato,

vato, haud facile quisquam in morbum incidat, eo autem neglecto temerè, vix unquam convalescat aut restituatur perfectè, licet maxime appropriata exhibeantur medicamenta. Itaque post Hippocratem modo laudatum, plures fuerunt olim & nunc inter Medicos occupati sedulique in eruendis ac describendis Alimentorum facultatibus, in bonitate atque vitio cibi potusq; determinando ac definiendo, qua cuiq; natura conveniant. Eadem utilitas hujus materiae me quoq; allexit, ut praesentes de eâ Theses conscriberem, duobus distinctas capitibus, quorum prius MEDICINAM IN POTU, posterius MEDICINAM IN CIBO sistit. Quos conatus meos ut, qui solus Medicina Parens aternus est, in sui sanctissimi Nominis gloriam, & commodum proximi, benignè velit dirigere, unicum est, quod humilissime precor!

CAPUT I.

MEDICINAM IN POTU OSTENDENS.

§. I.

EXtra dubium est, Diæticam omnium antiquissimam, initium dedisse arti medendi; cum enim observarent homines, alimentorum vires nullatenus esse pares, sed quædam, v. g. laxare alvum, alia eandem

eandem obstruere: Quædam refrigerare, alia calefacere corpus, &c. hinc didicerunt non difficulter, neque omnibus convenire omnia, si sanitatem integram tueri velint, neque in morbis promiscuè quævis exhiberi posse citra gravius periculum.

§. 2. Enim verò suffecerunt primis temporibus regulæ istæ diæteticæ tam ad præservandum, quam ad curandum, deficiente reliquâ Medicæ artis notitiâ. His diebus videntur nihilominus utiles valdè ac etiam necessariæ. Cumque apparatus alimentorum perpetuò augeatur egregiis accessionibus, parùm abest, quin affirmare ausim, non modò sanitatem firmam absque omni medicamentorum usu servari, si saltem accuratam quis rationem alimentorum habeat: Sed etiam gravissimos morbos curari solo cibi potusque delectu, adeoque facilius nos carere Officinis pharmaceuticis chemicisque, quam culinâ & cellâ vinariâ, similibusq; alimentorum promptuariis.

§. 3. Major proinde in posterum honos atque dignitas erit popinarii atque coqvulæ, cœnopolarum, & cauponum, quam Medicorum, inquis? Non erit profectò. Etenim decernere, quid huic istivè conducât, quid obfit, nullius est, nisi Medici, ejus puta, qui exactè caller singulorum alimentorum facultates, & ex altera parte singulorum etiam hominum naturam, propensionem ad morbos, idiosyncrasiam, vitæ genus, & maxime, si ægrotent, conditiones viscerum, statum humorum, viriumque; verbo, circumstantias omnes probè qui considerat, is demum felices facere progressus poterit, quod de illiteratis minimè sperandum.

§. 4. Age, percurramus breviter summa genera; specialiter namque cuncta examinare instituti mei ratio jam non permittit. Ante omnia distingui alimenta puto in salubria, quæ valetudini conducunt; insalubria, quæ omnino ei adversantur, & neutra seu indifferentia, quæ neque prodesse manifestè, nec obesse possunt. Dicuntur autem nullibi simpliciter salubria vel insalubria, sed relativè tantum, i. e. in hoc vel illo casu, atque ideo nil obstat, quò minus, idem vinum v. g. uni salutare, alteri nocivum, tertio pluribusque aliis indifferens existat. Imo verò & hoc fieri potest, ut idem in eodem subjecto saltem diverso tempore penitus contrarium sortiatur eventum, & quod diu usurpatum, nunquam alterare corpus, visum est, pro diversitate circumstantiarum hodiè medicamenti, cras etiam veneni vim habere queat.

§. 5. Ut igitur Medicina in alimentis quam intendimus, reperiatur, oportet primò quidem ea spectare absolute, ita ut inquiremus in illorum naturam ac differentiam: Deinceps verò eadem comparatè seu in respectu ad hoc illudvè subjectum, ut appareat, quid emolumenti sperandum, aut damni metueudum inde sit. Ita enim satisfecisse meo videbor officio, si & commendavero, quæ salubria sunt certo in passu, & è contrario, quæ nociva sunt, simul innuero. Reliqua nempe, quæ indifferenter se habent, ac valetudinem notabiliter haud afficiunt, sicco pede præterire licebit absq; dispendio.

§. 6. De Potu primùm acturus, necessum est, ut moneam, alium esse simpliciozem, alium compositum, item alium esse nativum, alium potius artificatum.

Sim-

Simplicissimus inter omnes atque nativus est aqua. Solent autem variis modis eandem alterare conver- tendo in cerevisiam dulcem vel amaram, tenuem cras- samvé, factâ cum tritico, hordeo, avena, lupulo atque similibus decoctione. Ita vinum etiam sibi relictum simplicius est, succus nempe uvarum expressus per fer- mentationem depuratus : non desunt autem, qui pro vario scopo herbas, radices, cortices atque similia in- ter effervescendum adjiciunt, ut vinum habeatur *ab- sinthites, enulatum, sassaparatum* &c. quemadmodum alii cerevisiam quoque condire *absinthio, roremarino, sal- viâ, scolopendrio* similibusque solent.

§. 7. Est nimirum triplex hic potus, aquæ, ce- revisiæ, vini, nostratibus usitatio, plures sunt extraor- dinarii, & quidem aquosiores ut infusum THEE atque COFFEE, hodiè satis vulgares, antehac Sinensibus, Ægyptiis & Arabibus proprii. Ad cerevisiam magis accedit potus ex BRANCA URSINA paratus, quem Silesii à Polonis ac Lithuanis didicerunt. Vinosum po- tius atque aromatizatum est Mulsum non suis modo po- pulis, sed & Moscovitis atque Anglis consuetum. Per- tinent huc quoque Spiritus ardentes, ut *vini, frumen- ti, juniperi, aniso, cinnamomo, caryophyllis, angelicâ cortic. aurantium atq; citri* & mille aliis modis conditi.

§. 8. Ad potum extraordinarium referri quoq; meretur lac, oxygala, serumque lactis. Narrat *Plinius* l. 8. c. 45. & l. 6. c. 28. & 30. gentes quasdam lacte vivere, cynocephalorum in specie Nomades in India vagas. Præterea Gethæ ac Scythæ sunt γαλακτοπόται, & Tartari equino lacte utuntur pro potu, vid. *Sebitzius de Alim. Fac. Lib. 3. p. 751.* His autem in terris quanquam la-
ctis

Etis potus haud sit quotidianus, admittitur tamen a nonnullis & probatur, æstivis præsertim diebus; ad minimum recens natis eundem haud invidemus, quippe quibus toto ferè primo anno solennis esse solet.

§. 9. Sed jam dispiciamus, quid singula valeant potulenta, & quo in casu salubrium vel insalubrium nomen mereantur. Primum de aqua simplici. Meliores sunt plerumque vel fontanæ, vel fluviales: Palustres enim & stagnantes, item pluviales ac præ cæteris marinæ minus laudabiles censentur, quod ut plurimum putridum falsumque saporem habeant, & non raro inficiantur seminio verminoso.

§. 10. Virtus AQVARUM est in genere humectare sive defectum feri restituere, ac diluere viscidos pariter atq; acres humores. Si verò frigida, uti plerumque fieri solet, potetur, æstum compefcit potentius. Et quanquam sapore omni & odore destituitur, adeoque fatua videri queat, mirum tamen est, quas facultates habeat egregias etiam in debellandis gravioribus morbis.

§. 11. Tali potu curatam in juvene dysenteriam biliosam narrat *Amatus Lusitanus Cent. 2. obs. 27.* febrem ardentem *Smetius in Misc. Med. Lib 3. p. 161.* Siculos memorant ante introductum nivis usum, cum in aëre degant ferventissimo, quotannis æstivis mensibus maximo numero febrium pestilentium tyrannide è medio sublatis: quod malum ferocire desit, ex quo primum nivis usum in potu admiscere. Diligenti namque observatione exploratum est, in urbe Messana quotannis mille numero pauciores quàm ante usum nivis homines interire. vid. *Balib. Pisaneli L. 16. de Alim. Fac. p. 296.*

§. 12. Qui

§. 12. Qui calidam potius amant instar Sinen-
sum, aut frigidam non æquè tolerant, possunt infuso
Thee uti, quippe quod utilissimum in scorbuto & ar-
thritide, in coryza similibusque catarrhis, observatur;
ut parùm absit, quin panaceæ nomen à quibusdam ob-
tinuerit, confer *Bontekoe* in suo *Tract. de usu Thee*; &
Simon Pauli Comm. de Abus. Tab. & Thee p. 66. *Eph.*
Germ. N. C. Dec. II. An. V. obs. 113. in Schol. & 131.

§. 13. CEREVISIA si dulcior fuerit, nutrit co-
piose adeoque Tabidis utilior; tenuior vim habet di-
ureticam liberatque à calculo, & abstergit bilem in
primis viis collectam: Sed amara hypochondriacis
atque scorbuticis conducit; nec enim acescit facile.
Itaque nec malè agunt, qui *absinthium* ei adjiciunt,
quondo fermentat, in gratiam febricitantium, vel *sc-*
lopendrium pro lienosis & hepatis obstructione labo-
rantibus, vel *roremmarinum* atq; *Salviam* adversus asth-
ma, phthisin atque sic porro.

§. 14. Qui loco cerevisiæ LORAM potant, è
pomis, pyris, pruneolis agrestibus, baccis oxyacanthæ
atque juniperi, uti plebeji solent in Normannia teste
Schrædero in Pharmac. p. 657. & Carniola notante *Val-*
vasor in der Ehre des Herzogthums Crain Tom. 1. p. 354.
biliosa & pituitosa vix colligunt in stomacho; etenim
potus ejusmodi acidulus, præsertim si ad dulcedinem
quodammodo inclinet, tollit humores istos ac ejicit
promptè.

§. 15. Efficacius ergo est HYDROMEL in Cur-
landia vulgare, de quo *Eph. Germ. Dec. 2. An. X. in App.*
pag. 134. Sed ab eo prorsus diversum est MULSUM,
utpotè quod longè potentius est atque vinosius, & pro-

pter aromata quæ adjiciuntur, stomacho æquè ac palato gratum. Utilius autem hyberno quam æstivo tempore; calefacit enim insigniter, pellit flatum, stimulat Venerem &c. Modum id parandi genuinum vide in *Zobellii Adversar. p. 22.*

§. 16. MUSTI vires omnibus notissimæ sunt; si quicquam aliud, certè mustum sumere purgans est, atque ideo convenit his, quibus alvus pigra præ siccitate secum ob seri defectionem existit. Dolendum saltem, id semper non haberi, nisi autumnali tempore. Nec errant, qui ad imitationem illius *succum cerasorum ac rubi idæi, cydoniorum, pomorum dulcium* colligunt & servant; quanquam & hi liquores progressu temporis in vinum commutentur haud condemnandum.

§. 17. Sed quis VINI laudes recensere dignas? Equidem Analepticum id omne potissimum est, seu vires defecerint in toto corpore, seu in parte aliqua. Reficit nimirum & ipsum animum, abigendo tristitiam, conciliando somnum, acuendo ingenium: præterea excitat appetitum, juvat digestionem, auget robur virile &c. Quid in lipothymiis valeat, & bulimia & febribus malignis aliisque gravissimis affectibus, testantur abundè observationes Autorum. Instar omnium videri potest *Sachs in Ampelographia Lib. 2. Sect. VI. Membr. 2. cap. 4. 5. 6. & 7.*

§. 18. Est autem dulce præ cæteris generosius, uti Canariense, Malvaticum, Hispanicum. Quod acidulum est instar Rhenani, biliosos atq; pituitosos magis juvat, beneficio tartari, quod continet, alvum laxans: quo nomine urinam quoque pellit & sudorem promovet. Idem pro varia conditione adjectorum aroma-

aromatum, herbarum, radicum &c. fit cephalicum magis, ut fassafratum: Stomachicum & antifebrile, ut *absinthites*, pectorale, carminativum, expellens, vermesque necans ut *enulatum* atque sic porro.

§. 19. Quid SPIRITUS ARDENTES valeant, vulgò notissimum est; possident nimirum vim omnem quasi contractam, quam in vino diffusiolem reperi-mus. Conducit autem senibus præ cæteris, quando calor vitalis paulatim deficit: Item habitantibus in locis frigidioribus, aut peregrinantibus hyberno tempore. Et quanquam nonnulli mediâ etiam æstate refici ejusmodi potu ament, promiscuè tamen id omnibus permittendum haud est: Neque tolerat æquè Spiritum vini acrem aromatifatam, qui fortassè miriùs anisatum impunè haurit. Confer *Zod. Med. Gallic. An. IV. Apr. obs. 2. p. 131.*

§. 20. De LACTIS mira efficacia contra venena quævis acerrima, si superbibatur largiter, quis dubitet. Mercurius sublimatus, arsenicum, auripigmentum atque similia melius haud ejiciuntur è stomacho, quam ad vomitum usque hausto non insuavi hoc potu; nec mitigatur aliâ, quam hac ratione, feliciùs ardor ab arrosione natus, cum reliquis Symptomatibus, cruciatibus ventris puta, convulsionibus &c. Nam & continuatus per aliquot dies usus, quam Diætam Lactis vocant, temperat non parùm acrimoniam humorum, in scorbuticis, arthridite vexatis, hecticis &c.

§. 21. OXYGALA verò, SERUMQUE LACTIS, refrigerat magis, diluit & abstergit bilem, præcipuè in primis viis collectam. Egregiam itaque fert opem, quibus Hypochondria hinc æstuant, adeoque

perpetuâ ferè alvi adftriçãoe laborant: nec facilè periclitatur passione iliacâ, qui tempeſtivè ſibi hoc genere potus conſulit.

§. 22. Ut in ſummam contrahantur omnia. Suppetit, quò venenorum per os aſſumtorum vim elulere, vermes necare, calculum ejicere, febrim frigus æſtumque mitigare, humores pravos corrigere ac edicere, ſtatus diſſipare, virium defectum reſtituere, torpentes ſpiritus excitare, inquietos tranquillare poſſumus &c.

§. 23. Sunt autem optima hæc aliquando damnoſa, ſi quando permittantur intempeſtivè. Ubi acidum peccat in primis viis, cavendum eſt à potu cereviſiæ dulcis vinique aciduli, utpotè quibus mirè augetur: Item à lacte propter coagulum omninò metuendum. Ubi bilis abundat, abſtinendum à cereviſiâ lupulârâ plus minùs amarâ: Ut & à ſpiritu vini vinoq; aromatite. Qui verò pituitofus eſt, à potu lactis ac cereviſiæ dulcis non ſatis defecaræ, uti & à Thee, Coffee, que potu læditur manifeſtè. Niſi me fallunt omnia, exiſtimo pauperes aquâ contentos vel hoc pacto faciliùs ferre inflammationes, febres ardentes, variolas, morbillosque, quod more divitum haud indulgeant gula, neque materiam alendo igni aptam ingerant, vinum puta, vel cereviſiam ſimiliter ſpirituofam.

CAPUT II.

MEDICINAM IN CIBO EXHIBENS.

§. I.

Varietas ciborum adhuc major eſt. Suppetitant eam partim animalia, partim vegetabilia. Quæ à Vege-

Vegetabilibus defumuntur, sunt vel frumenta, vel legumina, vel fructus, vel radices, vel olera, vel turiones. Animalium autem quædam terrestria, gressilia, reptiliaque; quorum alia quidam integra instar ostrearum, alia particulatim apponi solent, carnes videlicet, viscera, glandulæ. Adde his ova pennatorum, itemque butyrum caseumque, parata è lacte nonnullorum quadrupedum, & habes apparatus ciborum longè copiosissimum.

§. 2. Quæ condimenti loco adjiciuntur, sunt item diversa: Nonnullis adspargitur sal communis, fontanus, marinus aut fossilis; aliis affunditur acetum oleumvé, quibusdam sacharum aut mel, plurimis aromata usitiora, *piper, zingiber, cariophylli, cardamomum, cinnamomum, macis, nux mosch. crocus*, vel horum loco, *folia lauri, majorana, salvia, ros marinus, origanum, semen carvi, anisi*, &c. Atqui & horum additione notabiliter immurantur esculenta.

§. 3. Jam videamus, quid singula valeant. Et FRUMENTORUM quidem secalis præsertim atque tritici usus quotidianus est in pane. Melior est ritè fermentatus: Qui nimis acidus est, biliosis & pituitosis convenit, verum lædit hypochondriacos & lienosos. Recens fragransque optimè nutrit: Qui verò præ vetustate situm contraxit pessimus. Placentarum autem dignitas æstimanda ex iis, quæ massæ farinaceæ admiscuntur, uti sunt *butyrum, passulæ, cerasa; pomadulcia* &c.

§. 4. Nutriunt similiter ALICA & PTISANA ex tritico, hordeoque vel avena decorticata. Pulmenta ex segopyro, milio & oryza, & si quæ alia sunt hu-

jus generis. Augent insigniter lac atque sperma. Et quandoquidem viscosis abundant particulis, dubium haud est, quin acres humores temperent; nam & utilia deprehenduntur in Tussi sicca cœteroque catarrhō tenui, quemadmodum in omnibus doloribus à scorbutō seu præternaturali falsedine sanguinis atque seri oriundis. Quibus verò nimia obesitas aut corpulentia molestiam creat, vel crassi viscidique humores damnum inferunt, ii rectius abstinēt ab ejusmodi alimentorum usu.

§. 5. LEGUMINA, uti sunt pisa, lentes, fabæ, phaseoli, cicerēs &c. flatulenta equidem omnia censentur, atque ideo iis foras salubria, quibus abdomen collapsum est: Nociva herniosis & qui flatibus instantur. Speciatim pisa recentia & juniora (sunt enim dulciora veteribus contra naturam fructuum) laxant alvum satis commodè. Decoctum lentium in expellendis variolis experimento plebejorum laudatur, sicuti cicerum rubrorum in purgandis puerperis consilio anicularum; quanquam apud Veteres etiam repariamus horum encomia in simili passu.

§. 6. FRUCTUUM differentia talis existit: Sunt quidam simpliciter dulces, *ficus, passula majores, atq; minores, dactyli, jujuba* &c. in mitiganda humorum salis acriumque mordacitate omnino efficaces; quidam ex acido dulces, uti *cerasa, armeniaca, persica, prunamala, mora, fragra, grossularia* &c. bilē ac pituitam abstergentia, quod adhuc potentiùs præstant magis acida, *citri poma, limonesque, granata, berberes, ribes* &c. quidam aulteri quid habent, adeoque adstringunt, uti *cydonia, mespila, sorba, corna & pyrorum* quædam species;

cies; in vomitu alvique fluxu admodum proficua; quidam abundant succo aquosiore, unde refrigerant potenter, diluendo bilem saliumque acrimoniam, ut *melio, auguria, cucurbitæ, cucumis*: Denique sunt, qui ad dulcedinem inclinant, minus succulenti ac potius occultantes mire oleum; *amygd. dulc. pineæ, pistacia, avellana, juglandes, castanea, glans fagea, tribulus aquaticus*, &c. quorum facultates ferè coincidunt cum his; quæ §. 4. hujus cap. recensui.

§. 7. RADICES, quarum usus in culina est, plurimæ gaudent sapore subdulci, ejusdemque dignitatis cum modo recensitis fructibus videntur; nempe, *Rad. sissari, tragopogi, Solani tuberosi, pastinacæ, petroselinii, Dauci, rapæ* præsertim siccati, utpotè magis sapidæ: Neque ingrata sunt tubera chrysanthemi Peruviani, habent autem id peculiare pro reliquis, quod alvum moveant promptè, si cum pingvi jusculo comedantur. Acriores sunt radices *napi atq. raphani, ceparum item, alli, porriq.*, acerrima est *armoraciæ*: Pellunt hæ ipsæ urinam calculumque, cient sudorem, atque ita expellunt sangvinis impuritates, necantque vermes. Sola ex amaris tenera *cichorei* radix comeditur, sed macerata prius in aqua; ita nihilominus aliquam adhuc servat vim aperiendi, non incongruam lienosis vel epatis obstructionem patientibus.

§. 8. OLERA, quæ foliis, caulibusvè in escam veniunt, sunt vel fatua maximam partem, vel acidiuscula, vel denique acria plus minus. Inspida pene sunt, *spinachia, blitum, atriplex, beta, locusta, lactuca, endivia*, & quæ primo loco nominanda erat, brassica, quippe quâ Medicinâ DC. annis usus est populus Rom. teste

teste *Plin. Lib. 20. cap. 9.* Hæc in universum humectant, lubricant alvum, promovent excretionem è pectore ac pulmonibus. Magis refrigerant acida, *acetosa, portulaca, sedum*, extergendo bilem sedant ardorem stomachi æstum sitimque hinc oriunda. Quæ acria sunt, possident facultatem diureticam, præ cæteris diaphoreticam atque aperitivam, resolvunt sanguinem congrumatum, stimulant venerem, uti *cherefolium, petroselinum, sæniculum, nasturtium palustre ac hortense, dracunculus, piperitis* &c.

§. 9. Neque contemnendi sunt TURIONES asparagi, exinde diuretici, & lupuli vel ideò probandi, quod cum virtute aperitiva concurrat laxativa sive leniter per inferiora evacuans, in solamen eorum, qui epatis lienisque obstructionibus vel vomica pulmonum vel strumis laborant. Vehementius operantur tenella germina sambuci, siquidem & vomitum movent, paulò liberalius assumpta; in debilibus præsertim ac delicatulis, adeòque modus colligendi ea, i.e. decerpendi sursum deorsumvè vix attendendus venit.

§. 10. Satis de alimentis ex Regno vegetabili, transeo ad Animale. Ubi ante omnia monendum existimo, CARNIUM in genere differentiam haud esse parvi pendendam, si ætatem spectemus. Videlicet indurantur quasi cum annorum numero fibræ, adeòque pueris senibusque post casum dentium infirmis quamcunque ob causam juniorum animalium, pullorum, agnorum, vitulorum, esus omnino præscribendus est. Quibus verò ventriculus contingit robustior, qui exercitia corporis amant, aut laboriosam degunt vitam, his convenit etiam durior caro bubula, vervecina &c.

Præterea ratione pingvedinis observandum est similiter, eam non omnes æque tolerare; qui enim bile abundant, aut anhelosi sunt præ ipsa obesitate nimia, neque carnem suillam lardumvè, neque anseres probè saginatos aut similia comedunt sine damno.

§. 11. In specie, si AQVATILIA examinemus de angvillâ ut plurimum pingvi certum id est, ac hæreo, annon cyprinus pingvior, augendo bilem, producat podagram, de quo legi meretur *Eph. Germ. Dec. II. An. V. obs. 46. cum schol.* Ostrearum esum haud ferunt pituitosi, nihilominus ad temperandam scorbuticorum salsedinem, si recentes edantur, mirè valent, testaturque Lindanus copioso earum usu restitutum fuisse hecticum, referente *Ettmüllero in Schræd Diluc. p. 190.* Aliàs de gammaris notissimum est, adversus phthisin optimos existere, quatenus acidum destruant, in hoc affectu communiter peccans. Si quid enim aliud, certè cancri fluviatiles, præsertim quando testas deposuerunt duriores, mirè profunt ad acrimoniam illam obtundendam in scorbuto, malo hypochondriaco, doloribus Lienis, arthritide &c. experimento non uno Excellentissimi DN. D. RIVINI, PHYSIOLOG. ac BOTAN. PROFESSORIS CELEBERRIMI. PATRONI, ac PRÆCEPTORIS MEI AD CINERES USQ; COLENDI; cujus remedii vires vel ideò extollendæ sunt, quod sine molestia, imò vero cum jucunditate potius aliquâ, tantum assumi queat una vice, quantum vix pluribus dosibus de pulvere absorbente capi solet.

§. 12. Non minor est numerus PENNATORUM, quibus vescimur: at neque recensere vel nominare cuncta jam vacat, ne dum explorare curatiùs. Existimo autem discrimen potissimum à pabulo esse desumendum, quoniam plurimum interest, quo pacto nutriantur. Aves capaces sive carnivoras, uti sunt Accipitres, Falcones, Milvi, Noctuæ, Corvi, Cornices, Picæ &c. nemo est, qui non abhorreat, siquidem nec cadavera omninò putrida relinquunt intacta. Quæ pisces captant, ut anates, anseresque feræ, cygni, quæquedulæ &c. peculiarem & quasi unctuosum saporem habent, multis haud ingratum. Granivoræ autem arident omnibus, sylvestres pariter atque domesticæ, sicuti & illæ quibus fructus vel herbarum pro alimento inserviunt. Ita enim Juniperi baccas sapit redolentque

letque turdus, adeoque ab his avidè ingestis vires medicamentosas acquirit procul dubio. Ac fortasse passeris, troglodytæ contra cal- culum adeò decantati vires, quas possident lithontripticas, impe- trant à vermiculis, quibus victitant.

§. 13. Suggestunt autem volucres præ cæteris peculiarem, cibum ex OVIS capiendum: Imò quæ usitatoria sunt gallinarum ova, de quorum utilitate ita sentiendum puto. Solent muliercu- læ prægnantibus, ne abortum faciant, ovorum germina, ut appel- lantur, propinare cum vino generoso, ac possent fortasse pari cum- successu propinare integra, imitando eos, qui vel claritatem vo- cis servare, vel robur virile augere cupiunt. Nam & forbilia co- piosè nutriunt, lac & semen augment, unde vix permittendâ his, qui- bus pollutiones nocturnæ molestiam creant. Alioquin certum est, ab iis corrigi humorum acrimoniam, adeoque in gratiam ægrorum vix excogitari posse commodius alimentum, præsertim si lubrican- dus sit venter; Si enim alvi fluxio contigerit, satiùs erit vitella ex- hibere ad duritiem cocta cum tantillo macis nucisvè moschata, vel aceti rosacei, ex consilio *Helmont. in Tr. Pylor. Rel. 22.*

§. 14. Sed QVADRUPEDUM usus longè amplissimus est. Cumque carniū paulò superiùs facta sit mentio, lubet paucis attingere partes reliquas. Imprimis quæstio erit, num quid singu- lare valeant, e. g. pulmones vituli ac vulpis in affectibus pectoris, epæ cervi agnive in morbis jecoris, renes vervecum, taurivè in vi- tiis renum, &c. Mihi salvo aliorum judicio ita videtur. Frustra occultas fingi proprietates atque virtutes específicas, cum non diffi- culter ratio reddi queat evidens. Quis nescit renum sâporem uri- nosum, quem à perpetuò transeunte lotio acquirunt? Quid ergò mirum, si vim possideant diureticam. Notum est amara omnia, absinthium, centaurium, eupatorium, cichoreum &c. vi aperiendi pollere in morbis epatis; quis denegat eandem bili, qua jecur a- nimalium omne tingitur. Substantia pulmonum cum prorsus membranacea sit, quis dubitet, eam copiosâ gelatinâ gravidam esse, optimâ profecto ad corrigendam humorum acrimoniam in- tussi, raucedine, vel ulcere pulmonum. Atq; ita testiculi etiam prodesse poterunt ad augmentum spermatis; cujus gratiâ collectos vidi cum curâ & post decentem præparationem inter fercula men- sa, cum castrarentur pulli gallinæci.

§. 15. Etenim quid cochleæ quæso, ut REPTILIUM quodque mentio fiat, & ostrea cum cinaræ atque asparagi turionibus aliud agunt, quam quod liquori seminali generando materiam præbeant idoneam largamque, accedente ab adjectis aromatibus stimulo. Ad quem modum jura instaurantia & consummata cum gelatinis ex iisdem cochleis, capone, gallinavé aut carne quacunque alia parari solent ad recreandos hecéticos vel infirmos ex graviore morbo; quibus vel solis servatos novimus pro deploratis jamjam habitos.

§. 16. De BUTYRO idem judicandam, quod de pingvedine carniū: Neq; causa est, cur canis axungiam in phthisi vel tabe præferamus butyro majali; si enim adjectum sal quemquam deterreat, quid impedit non salitum idem servari atq; in usum trahi. Hac occasione autem id reticere nequeo, in quo peccatur tota die; nempe in febribus ardentibus aliisque biliosis, cum inappetentiâ conjunctis, si quid ægris præbetur, turdus est, aut avicula, quævis obvenit, assata; cum tamen in hoc casu elixa multis modis præferenda sint. Namque sal quod aspergitur & butyrum quo largiter perfunditur assatura talis, non possunt non augere sitim æstumq; consequenter damnum inferre manifestum.

§. 17. Neque CASEUS omnis ejusdem dignitatis est, neque omnibus eodem modo convenit. Recens tanquam mitior, præsertim pingvis nutrit non parum; traduntque Zoroastrem in desertis caseo vixisse annis viginti, ita temperatè, ut vetustatem non sentiret, narrante *Plinio Nat. Hist. Lib. XI. cap. 42.* Antiquus acrior est, ac sæpè putridus, ab esu cujus largiore nonnullis calculus generatur indubitanter. Si fuerit sicciior, obstruit alvum, quibus ergo pigrior est, ut hyonchondriaci, temperare sibi ab ejus usu debent.

§. 18. Quod ad CONDIMENTA ciborum; Negari haud potest, SALIS communis utilitatem esse multiplicem: Fugat enim necatq; lumbricos, abstergit bilem, ciet urinam, stimulat Venerem &c. Verum si quis eo abutatur, esitando subinde haleces aliosvè pisces carnesvè muriaticos, metus est, ne scorbuticos dolores atque ulcera, scabiem atque pruritum sibi conciliet, nisi admodum liberalem potum simul adhibeat. Hydropici ergo, in quibus serum abundat, non modo tolerant halecum esum, sed & præsentaneum inde levamen sentiunt; etenim

etenim eorum nonnullos post fluxionem largam urinæ, hinc ortam, penitus restitutos testatur *Sennertus Cent. I. Epist. 2. pag. m. 1108.*

§. 19. ACETI usus in culinis quotidianus est pene, ad minimum in acetariis, vel embammatibus. Quas vires habeant etiam alexipharmacas videri potest in *Bartholini Cent. IV. Histor. 13.* Refrigerat autem insigniter bilem expurgando. Sumq; in ea persvasione homines agrestes diebus æstivis vix ferre posse calorem radiorum solarium, nisi reficiantur ejusmodi acetariis, brassicâ muriaticâ, oxygalâ &c. E contrario, si quis acidos humores in primis viis collegerit, cane pejus & angve vitare debet, quicquid acidum sapit.

§. 20. Acefcunt autem dulcia quoque in tali stomacho; atq; ideo lienosi pares experiuntur dolores seu cucumeres comederint acidos, seu saccharo conditos fructus omnis generis. Nam & fœminæ ad passiones uterinas pronæ ab utroque isto alimentorum genere læduntur pariter. Quid pueri patiantur ab usu panis martii similiumque saccharatorum, vix quenquam fugit, qui obiter tantum eorum morbos in adibus divitum advertit, vid *Germ. Dec. II. An. IX. obs. 202. in scholis.*

§. 21. AROMATUM deniq; virtutes innotescunt vulgò. Nempe sunt ea cephalica, optima in vertigine, memoriz imbecillitate, hebetudine sensuum; Sunt stomachica, optima in anorexia vel apestia, & carminativa in colica & inflationibus abdominis: Sunt aphrodisiaca, optima stimulantq; ad venerem; Verbo sunt optima excitantia in languore virium. Sed nec omni tempore nec omni ætati æquè conducunt. Hybernis videlicet mensibus adhibenda magis, quàm æstivis. Senibus potiùs convenientia, quam junioribus aut stylo veterum calidioribus. Nam & in hoc passu juxta *Hippocratem Sect. I. Aph. 17.* Dandum aliquid est consuetudini & tempori & regioni & ætati.

§. 22. Hæc sufficiant speciminis loco dicta de Medicina in alimentis optima. Nec enim in animo fuit tradere fusiùs singulorum ciborum potuumvè facultates, sed uno vel altero saltem exemplo monstrare quantum valeat Diætæ regimen in conservanda vel restituenda valetudine. Ut autem hosce primos conatus meos æqui bonique consulere velis, Lector Benevole, abs Te iterum iterumq; contendo. DEO interim Optimo Maximo immortales pro concessis viribus decerno gratias, utque porrò benedicere laboribus studiisq; meis ex alto velit, precor humillimo corde. Sit Nomini Ejus Sanctissimo Laus,

Honor & Gloria in omnem æternitatem.

F I N I S,